



Kein Jerbal ak Men ko Jet Rej Computer ak Electronic Resources

Kilen Kojerbal Kein Jerbal ak Men ko Rej Computer ak Electronic Resources ko Remman non Kojerbali

Kilen Kojerbal ko Remman 2022P rej drori ilo jeje non jiban rejeta Kien ak Policy 2022 kin Electronic Resources eo an Board of Director ro an Auburn im non bokmaanlok im kwalok non rijikuul ro im rijerbal ro kin men ko remman im wor tokjeir ne juon armij ak citizen ejimwe im ekkar an kojerbal men ko rej le computer ak digital ko. Juon armij ak citizen eo ejimwe im ekkar an kojerbal men ko rej le computer ak digital citizen ejjab baj melemen wot juon eo ejela kojerbal computer ak technology literacy. Armij ro ak citizen ro releimaan, relikkun jela kilen kojerbal men ko rej computer im rej mour ilo ejelok uata im jokane im iben ro jet ilo jukjuk im bed ko air ilo juon lal eo ej lablok wot an kojerbal men ko rej le computer. Rej kile bwe melele ko emoj likiti ilo internet rej non aolep armij im renaj to air bed ak non indeo im remaron jelet mour eo an juon armij im jermal eo an ilo juon tore eo eaetok. Wewen naj mantin rijikuul im rijerbal ro ilo air bed online rejjab otkak jen ne rej jelmae bar juon armij.

Kojerbale Men ko Nejim Rej Le Computer ak Personal Electronic Device ko

Ekkar non aolep kien im kilen jermal ko an Bukwon Jikul eo an Auburn, rijikuul ro im rijerbal ro remaron kojerbal men ko nejier im rej le computer ak personal electronic device ko (wanjonak, laptop ko, men ko rej le computer im komaron itoitak kaki (mobile devices) im kein riit ko rej le computer (e-readers)) non kalablok kottopar eo an Bukwon Jikuul eo an Auburn ikijien jelalokjen im kabbok melele ak research. Rijerbal ro an jikuul eo enaj bed wot ibeir maron eo non ba im beke neet im wewen rijikuul ro remaron kojerbal men ko nejier rej kojerbal computer ak personal electronic device ko ilo melan ko an jikuul. Rijerbal ro rej kojerbal men ko rej le computer ak electronic device ko non wun ko ikijien jikuul rej aikuij je ilo pepa kin kien eo an jikuul, ne ekkar.

Network eo

Network eo an Bukwon Jikul eo an Auburn ekoba men ko rej le computer im rej le to ak wired im ko rejjab le to ak wireless im men ko jet im rej kobaikilok iben computer eo ak peripheral equipment, bael ko im jikin kokon melele, software nan jermal ippan doon, jikin bwebwenato ko ilo internet ak social network site ko, wiki ko, im men ko jet. Bukwon Jikul eo an Auburn rej debij wot jimwe im maron eo non komman bwe kilen kojerbale, im delone, network eo, ej bed imaantata im maktata.

Aolep wewen kojerbal network eo rej aikuij rejeta jelalokjen im kabbok melele im ren ekkar non kottopar eo an Bukwon Jikuul eo an Auburn.

Eban wor an Bukwon Jikuul eo an Auburn eddo non jabdewot jorren ko rej walok non juon eo ej kojerbal men kein, ekoba im ejjab men kein wot, an jako melele ko jen an rumij air jermal, rejjab maron jilkinlok melele ko, ebod ijo melele ko rej etal noni ak ej beddo ikunkun im bojrak an jermal itok wot jen an make jab kejbarok an jermal ak jebawot bwod ko jet ak likjab in jermal ko jet.

Kilen an rijikuul ro im rijerbal in Bukwon Jikuul eo an Auburn kojerbal network eo im emoj koweppeni bwe ren emman:

- A. Jinoe komman bael ko, project ko rej le computer ak digital, mubi ak pija ko, peej ko ilo internet ak web peej ko im podcast im ej kojerbal network resource ko rej rejeta jelalokjen im kabbok melele;
- B. Bed im jermal ilo blog ko, wiki ko, bulletin board ko, jikin bwebwenato ko (social network sites) im kumi ko im jino komman kobban podcast ko, e-mail im peej ko ilo internet ak web page ko rej rejeta jelalokjen im kabbok melele;
- C. Jeje komelele ko online im rej itok jen book in jikuul ko, men ko kebooji non katakin rijikuul ro im jermal ko an rijikuul. Melele ko boki jen ijoko ilikin classroom ak jikuul eo aikuij kwalok ia eo kar boki jeni;
- D. Rijerbal ro rej kojerbal network eo non jermal ko air make en ekkar non kien ko im kilen jermal ko an Bukwon Jikul eo an Auburn.

Wewen ko rejjab melim im emman non an rijikuul ro im rijerbal ro kojerbal network eo ekoba im ejjab men kein wot:

- A. Bokmaanlok ir make, karrelel non komman jeen (commercial solicitation) im kolla ko jabdewot;
- B. Makutkut ko rejjab jimwe im ekkar non kien in jerbal ko, rej rube kien ak renaj tellok non an wor an Bukwon Jikul eo an Auburn bok ak wor an muri;
- C. Jibanlok ak jumae pepa in vote ko (ballot measures), ro rej jutak non jea ko ilo kien im jabdewot makitkit ko an kien;
- D. Delone ilo bwod (hacking), rube (cracking), kattoone (vandalizing), kwalok im lelok kij in computer ko (virus), worm ko, Trojan horse ko, bomb ko im ukoti hardware ko, software im tool in monitor ko;
- E. Delone computer ko an Bukwon Jikul eo an Auburn ilo ejelok melim, network ko im jikin kokon melele ko ak information system ko;
- F. Kokkure bar juon ilo internet (cyberbullying), leta in kojdat (hate mail), kokkure etan bar juon (defamation), kaabnonoik bar juon ilo jabdewot wewen, komman kojak im naan ko rekaliyeklok nae bar juon;
- G. Melele ko jei im litolitik, jilkinlok ak drori online im remaron likit bar juon armij ilo kauatata (wanjonak, kilen komman bomb, komman uno ko rekajur);
- H. Delonlok, kadelon (uploading), kadiwojtok (downloading), kokoni im litolitik melele im men ko relikkun nana, rettoon ak rej kwalok kin an armij babu iben dron (sexually explicit);
- I. Ukoti im kabwodi mottan ko ak men ko kobban kein jerbal ko an jikuul rej le computer ilo an juon jab bok melim lok mokta jen Department eo an Technology.
- J. Kadiwojtok, kabe ak bar anōki data ak melele ko, data set ko, im/ak melele ko rellaplok ak data collection ko einwōt ko ewōr ilo ak bōki jen core fiscal im jikin kokon melele ko an rijikuul, im kōtōbar eo ej ñan ak enaj tellok non joloke melele ak data in jen Bukwon Jikul eo an Auburn ilo an kar ejelok melim lok mokta jen superintendent eo ak eo jitōñe.

Wewen Ejelok Jorren Ilo Internet

Melele ko kin Juon Armij Make im Men ko Kobban Rejekkar:

- A. Rijikuul ro im rijerbal ro ren jab kwalok melele ko kake ir make, ekoba address ko an imon jokwe ko air im nomba in telephone ilo web site ko, blog ko, podcast ko, mubi ak pija ko, jikin bwebwenato ko ilo internet, wiki ko, e-mail ak einwot men ko kobban ilo jabdewot men ko rej le computer;
- B. Rijikuul ro im rijerbal ro ren jab kwalok melele ko kake bar juon armij ilo jabdewot men ko rej le computer ne rar jab bok melim mokta;
- C. Pija ko pijain rijikuul ro ak etair remaron likiti ilo jabdewot kilaj ko an kien, jikuul ak website eo an Bukwon Jikul eo an Auburn ijellokin ne eo jinen ak jemen ak eo ej bok eddoin ear kelet bwe ren jab kwaloki ak likiti ilo men kein; im
- D. Elane rijikuul ro ak rijerbal ro rej loi men ko rekauatata ak melele ko ak ennaan ko rejekkar, rej aikuij kojelaik ro rej bok eddoin jikuul eo.

Komelele ko kin Kojerbal Internet ilo Ejelok Jorren

Aolep rijikuul ro renaj jela im melele kin kilen bed online ilo jimwe im ekkar, ekoba kobalok iben armij ro jet ilo jikin bwebwenato ko ilo internet im chat room ko, im melele kin cyberbullying im kilen uaak.

- A. Melele im kein ekatak ko rekkar non yio ko an kajojo ajiri renaj lilok non ir bwe ren kojerbali ilo kilaj ko air.
- B. Kilen ekatak kin kajitok ak abnono ko kin kejbarok jen jorren online im kein ekatak ko kin kilen kojerbali renaj liloki non opij eo an jikuul, rijerbal ro im baamle ko.

Jokbej im Julok Men Ko Renana im Etale Lokan an Jerbal

Software eo ej jokbeji ak filter i men ko renana ej jerbal non bobrae im julok men ko renana jen an juon loi pija ak men kein renana im aolep pija ko retton kin ajiri ekkar non Children's Internet Protection Act (CIPA) eo. Pija im men ko jet renana remaron jokbej im juloki. Bebe eo kin ta in "men ko jet renana" ej an juon jikuul ak juon jujuk im bed bebe.

- A. Software ko rej jokbeji pija im men ko renana rejjab jerbal aolep ien 100 bojjeen. Mene men ko rej jokbej pija im men ko renana rej komman bwe en binlok an men kein renana walok tok non armij ak an armij etal noni, men kein rej jokbej ak filter ko rejjab kajimwe abnono in. Aolep ro rej kojerbale men kein rej aikuij lale bwe ej air eddo ilo air kojerbal network im internet eo bwe ren jab etal non peej kein rejekkar im nana;
- B. Emo kommani jabdewot wewen ko non jumae ak ellalok jen kein jokbej nana ko an Bukwon Jikul eo an Auburn ak nooj makitkit ko an juon ilo internet (einwot kain eo an proxy ko, https, port ko rejenolok, ukot setting ko an browser eo an Bukwon Jikul eo an Auburn im jabdewot wewen ko kommai non jujurlok ak ko jen kein jokbej nana eo ak komaron an walok im jeje men ko rejekkar im nana);

- C. E-mail ko rejjab ekkejelok wot iben kotopar eo an Bukwon Jikul eo an Auburn ikijien men in jikuul im kabbok melele naaj likiti bwe ren SPAM im naaj bobrae jen air delone box im e-mail ko an Bukwon Jikul eo an Auburn;
- D. Bukwon Jikul eo an Auburn enaj lale bwe en wor ritto ro rej lale im tel ro rej kojerbal internet. Ial eo jinoin tata non bobrae an ajiri ro redik etal im loi men ko renana ilo internet ej non kanouij lale aolep ien an ajiri delone im kojerbal men ko rej le computer an Bukwon Jikul eo an Auburn;
- E. Rijerbal ro rej lale im tel rijikuul ro, bok eddoin men ko rej le computer ak remaron loe an rijikul ro kojerbal computer kein non etal online, rej aikuij kate jonan wot air maron non lale air kojerbal men kein bwe ren jela ke rijikuul ro rej kojerbali men kein rekka non kotopar ko an Bukwon Jikul eo an Auburn; im
- F. Rijerbal ro rej aikuij kajion jonan wot air maron bwe ren jela kilen kojerbal internet im ren lale, katakin im jiban ilo juon wewen eo enaj wor tobrak ie.
- G. Bukwon jikul eo enaj komman bwe en wor kilen ak wewen ko rijerbal ro ren loori non kajitok maron etal non website ko ilo internet me software in jokbej nana ko an jikuul eo rej kiili ak bobraeiki. Bukwon jikul eo enaj komman bwe en wor wewen ko rijikuul ro ren loori, ilo ial ko remman an jikuul eo, non kajitok air etal non website ko ilo internet me software in jokbej nana ko an jikuul eo ej kiili ak bobraeiki. Naaj bok im lomnak kin menin aikuij iumin kakien eo etan Children's Internet Protection Act (CIP) ilo ien eo rej etale kajitok ko. Jikuul enaj komman bwe en wor ial in owari kajitok ko rar jab tobrak ak kar kajejtokjeir.

Jimwe im Maron ko Ikijien Komman Copy ak Copyright

Emo kadiwojtok, kape, anoki im litolitik software, al, bael ko ewor anikien ak sound files, mupi ko, annan ak pija ko ak men ko jet ewor air copyright ilo an ejelok jabewot melim ilo jeje kaki jen eo an copyright eo. Ijoke, emelim anoki ak komman kape im litolitik non wun ko ikijien katakin ak jelalokjen elane men kein kar anoki ak copyiki im litolitik rebed iumin kien ko kin Fair Use Doctrine ilo United States Copyright Law (Title 17, USC) im men ko kobban rej kwalok kaki ilo jimwe im ekkar.

Ro Air Jerbal eo (Ownership of Work)

Aolep jeral ko ededelok an rijerbal ro kar kommani im rej mottan jeral ko air naaj likiti bwe rej mweien Bukwon Jikul eo an Auburn. Enaj an im mweien Bukwon Jikul eo an Auburn jabewot im aolep jimweim maron ko ilo jeral kein ekoba jabdewot im aolep jeral ko rej ekkejajok ibeir, ijellokin ne ewor kwon ilo jeje ke rejjab.

Aolep jeral ko ededelok an rijikuul ro kommani im rej mottan birokraam in ekatak ko air rej an rijikuul eo jino jen ien eo rej jino kommani, ijellokin ne jeral in ear ijjino ilo ien eo rijikuul eo ej jeral einwot juon rijerbal in Bukwon Jikul eo an Auburn ak ijellokin ne emoj kar kollaiki jeral eo iumin juon kwon ilo jeje iben Bukwon Jikul eo an Auburn. Rijerbal ro rej aikuij bok melim jen rijikuul eo moktalok jen air letoletak jeral eo air non ro jet ilikin jikuul eo. Elane ej bed iumin juon kwon iben Bukwon Jikul eo an Auburn, naaj likiti jeral eo bwe ej mweien Bukwon Jikul eo an Auburn.

Kejbarok Network jen Kakkure im Kejbarok Jen an ro Jet Loi Men ko Mweien ro Jet (Network Security im Privacy)

Password ko ak naan ko rejenolok rej iaal eo imaantata ak kein kajuon non kejbarok account eo an juon armij jen kakkure. Login non system ko im account ko rej aikuij an wot armij eo an account eo im ewor an melim non wun ko im Bukwon Jikul eo an Auburn ear komelimi. Ej an rijikuul ro im rijerbal ro wot eddo kin aolep makitkit ak men ko rej komman ilo account ko air im ren jab lelok password in account eo ar non ro jet.

Kilen kojerbal kein rej elajak ijin ilal kar ejaaki non kejbarok account ko an ro rej kojerbale network eo:

- A. Ukoti password ko ekkar nan kien ko an Bukwon Jikul eo an Auburn;
- B. Jab kojerbale account eo an bar juon armij;
- C. Jab likiti password ko ilo e-mail ak leta ak ial in konono ko jet;
- D. Elane kwoj je password eo an account eo am, dreore ilo juon jikin etino im ejelok eo enaj loe;
- E. Jab kwakoni password ko ilo juon bael elane ejelok kwon ak ejelok encryption ie;
- F. Jab kojerbale ijoko rej ba "remember (ak kemejmej) password" ilo internet browser ko; im
- G. Lak e screen eo ak diwoj jen e elane kwoj etal jen computer eo.

Melele ko kin Rijikuul Rej Aikuij Nojak ak Rejjab Non an Jabdewot Loi

Rijerbal in Bukwon Jikul eo an Auburn rej aikuij debij wot melele ko kin rijikuul bwe ren nojak im jab belloko non an jabdewot loi ekkar non kakien eo Family Educational Rights and Privacy Act (FERPA).

Ejelok Kotmene kin an Tilekek ak Privacy

Bukwon Jikul eo an Auburn ej komman bwe en wor network system, email im maron etal non internet einwot juon kein jermal ak tool non ekatak ak jelalokjen im kabbok melele non rejetake kottopar eo an Bukwon Jikul eo an Auburn. Bukwon Jikul eo an Auburn ej debij wot jimwe im maron eo an non alwoj, lale im etale, kape, bar lale im kokoni melele ko mene ear jab bok melim moktalok kin kobban im wewen kar kojerbale:

- A. Network eo;
- B. Kojerbal bael ko im wewen kojerbal jikin ilo disk;
- C. Wewen kojerbal user application ko im bandwidth;
- D. Bael in men ko kar jei ak document ko, folder ko im email ak leta ko;
- E. E-mail;
- F. Kojerbal internet; im
- G. Jabdewot im aolep melele ko emoj jilkinlok ak emoj kar loi ilo kojerbale network eo (wanjonak tape in konono ko ak ainikien, mupi, multimedia, e-mail).

En ejelok rijikul ak rijerbal rej kotmene bwe enaj nojak im ejelok eo emaron loi jermal ko air ak enaj wor air privacy ne rej kojerbal network eo an Bukwon Jikul eo an Auburn. Bukwon Jikul eo an Auburn ej debij wot jimwe im maron eo an non kwalok jabdewot kobban comptuter ak electronic ko non rijerbal in bwilijmaan ak armij ro jet ne ekkar. Aolep pepa ko rej bed iumin kakien eo an State eo an Washington non kwalok kobbaer ak melele ko ie.

Kokon Melele ak Pepa (Archive) im Backup.

Ewor backup in aolep e-mail ko an Bukwon Jikul eo an Auburn kin wun ko non kwaloki non armij (public disclosure) im kejbaroki bwe ren jab jako ne ewor jorren jen lan. Ijellokin ne ekun jarom ak wor utamwe ak joraan ilo kein jermal ko, bael ko an rijerbal im rijikuul emoj back up ilo server eo an Bukwon Jikul eo an Auburn aolep ien.

Kaje ko Liloki Non Kibel ak Kajimwe Juon

Aolep ro rej kojerbal kein jermal ko an Bukwon Jikul eo an Auburn im rej le computer rej aikuij loori kakien im kilen jermal ko an Bukwon Jikul eo an Auburn. Juon eo ej rube jabdewot iaan wewen kein kin kilen kojerbali men kein im kar komeleleiki ilo kakien ak kilen kojerbal Kein Jerbal ko an Bukwon Jikul eo an Auburn im rej Kojerbal Computer emaron komman an wor kaje ko non kibel ak kajimwe non e, joloke jen an jikul, ak jolok an maron kojerbal network im computer ko.

Iaal in Konono ko ikijien Social Media im Leta ko jen Kojerbal Computer ak Electronic Communication

Bukwon Jikul eo an Auburn emelele kin jonan an aurok bwe rijerbal ro, rijikuul ro im jiner im jemeir bed im kojerbal, jermal iben dron, ekatak im jimor kojerbal men ko rej le computer ak digital environment ko. Bukwon eo emoj an jeke bwe en jejjit an kojerbal kilen konono iben ro jet non lale bwe armij ro, ro rej bok konaer, im rijerbal ro rej likkun bok konaer im jela kake.

Rijerbal ro ewor air eddo im men ko rej aikij kommani ilo aer kojerbal iaal in konono ko ikijien social media im rej elaaajak ijin ilal:

- 1) Aolep rijerbal ro ro rej bed ilo site ko an social media ak menin jermal ko jet rej lomnak kaki bwe ej mottan network in melele ko an Bukwon eo im rej bed iumin Kilen Kojerbal ko Remman non Kojerbali. Ekoba kakien ko ikijien kojerbali kein jermal kein an Bukwon eo non jermal ko an juon make im kakien ko kin an rijerbal im rijikuul ro makitkit iben dron.
- 2) Ej an rijerbal ro im rej kojerbal social media eddo non loori kakien ko rekkar an federal, state, im county. Ekoba loori im bokake kakien ko ikijien copyright, kejbarok melele ko, kakien ko ikijien privacy (FERPA) im kakien ko kon melele ko ikijien security im Bukwon Jikul eo an Auburn ear kommani.
- 3) Account ko an social media an jikuul rej aikuij kommani jen an juon kojerbal email account eo emelim an bukwon eo.
- 4) Rijerbal ro rej bed ilo etan Bukwon Jikul eo an Auburn ikijien social media rej aikuij kokomanman mwilier aolep ien einwot ro rej bed ilo etan Bukwon Jikul eo an Auburn. Rijerbal ro relikjab im jab kokomanman mwilier ilo juon wewen eo ekkar enaj bed iumin kaje.
- 5) Juon eo ej rube wewen jermal kein emaron telok non an kommon juon kajitok non joloke peij in rijerbal/birokraam ko jen social media ko.
- 6) Media site ko, web page ko im/ak social media ko an Bukwon eo rej aikuij bokmaanlok ekatak/komelele, kein ekatak ak curriculum, makitkit ko an jikuul im/ak melele ko kin Bukwon Jikul eo an Auburn.
- 7) Ijo aolep melele rej bed ie ak directory in melele ko an Bukwon Jikul eo an Auburn renaj kojerbali ne rej likit pija ko an rijikuul, jermal, link ko, im melele ko. Jouv im kebaak principal/supervisor eo an department eo

am im/ak secretary eo elane kwojjab melele kin kilen an rolok melele ko ilo directory eo im wewen ko non loori im rej itok iben komelele ko tok.

- 8) Rijerbal ro rej aikuij aolep ien kojerbal social media eo non jerbal ko an jikin jerbal im jab kobaik air kojerbal social media non konan im jerbal ko air make
- 9) Ne kein jerbal ko an bukwon eo ej walok ilo site in social media ko jabdewot, ekoba account ko an jikuul, einwot club ko, team ko, field trip ko, kilaj ko, ak site ko jet rej ekkejaaklok iben bukwon eo emelim im principal ak supervisor eo an ra eo ej monitor e ak lale maktkit eo an.

Site in Social Media ko im Rejjab Bed ilo Site eo an Bukwon eo Ej Aikuij Wor Melim in Etal Noni Mokta Jen Kojerbali

- 1) Non an rijerbal ro kojerbal site kein im rejjab bed ilo site eo an jikuul rej aikuij kajitok iben principal/supervisor eo an ra eo. (waan jonak Facebook, Twitter, YouTube Channel)
- 2) **Pepa in Komelim Kojerbal im Komelele ko Looi non Site in Social Media ko Rejjab Bed ilo Site eo an Bukwon eo** rebed ilo webpage eo an Department eo an Technology.
- 3) Elane principal/supervisor eo an ra eo ej komelim kojerbal site in social media ko (Rejjab Bed ilo Site eo an Bukwon eo), principal eo ak eo kar jitone enaj kennanik Department eo an Communication mokta jen an kobellok site in.